

ქედის მუნიციპალიტეტის საკრებულოს
სოციალურ საკითხთა კომისიის სხდომის
ოქმი N5

დაბა ქედა

29 მაისი, 2024 წელი.

სხდომა დაიწყო 12:30 საათზე.
სხდომა დამთავრდა 13:00 საათზე.

სხდომას თავმჯდომარეობდა ოთარ ხარაძე - ქედის მუნიციპალიტეტის საკრებულოს
სოციალურ საკითხთა კომისიის თავმჯდომარე.

სხდომას ესწრებოდნენ:

ლევან ვერძაძე - კომისიის წევრი;
მარინა ბარამიძე - კომისიის წევრი;
არჩილ გორგილაძე - კომისიის წევრი;
ჯემალ დავითაძე - კომისიის წევრი.

სხდომას არ ესწრებოდნენ:

მერაბ ნაკაშიძე - კომისიის წევრი;
მინდია არძენაძე - კომისიის წევრი;
შორენა კარანაძე - კომისიის წევრი.

სხდომას ასევე ესწრებოდნენ:









საკრებულოს აპარატის უფროსი - მუხრან სალაძე;

ქედის მუნიციპალიტეტის საკრებულოს აპარატის პირველი კატეგორიის უფროსი
სპეციალისტი კომისიებთან ურთიერთობის საკითხებში - ციური ზაქარაძე;

მერიის ჯანმრთელობისა და სოციალური დაცვის სამსახურის უფროსი - დავით თედორაძე.

ქედის მუნიციპალიტეტის საკრებულოს სოციალურ საკითხთა კომისიის წევრთა
სარეგისტრაციო ფურცელი

29.05.2024 წელი

№	სახელი, გვარი	თანამდებობა	ხელმოწერა
1	ოთარ ხარაძე	კომისიის თავმჯდომარე	
2	ლევან ვერძაძე	კომისიის წევრი	
3	არჩილ გორგილაძე	კომისიის წევრი	
4	მარინა ბარამიძე	კომისიის წევრი	
5	მერაბ ნაკაშიძე	კომისიის წევრი	
6	ჯემალ დავითაძე	კომისიის წევრი	
7	შორენა კარანაძე	კომისიის წევრი	
8	მინდია არძენაძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით.

დღის წესრიგი:

1. ქედის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2023 წელში გაწეული მუშაობის შესახებ ანგარიში.

მომხსენებელი: მერიის ჯანმრთელობისა და სოციალური დაცვის სამსახურის უფროსი-დავით თედორაძე

მოისმინეს: სხდომის თავმჯდომარემ აღნიშნა, რომ 2024 წლის 22 მაისს საკრებულოში შემოვიდა ქედის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2023 წელში გაწეული მუშაობის შესახებ ანგარიში(განცხადების ნომერი N:12-95241437-95 განცხადების თარიღი 22.05.2024).

მომხსენებელმა დავით თედორაძემ ჯანმრთელობისა და სოციალური დაცვის სამსახურის 2023 წლის ანგარიში წარადგინა შემდეგი სახით:

სამსახურის მიერ გარკვეული მუშაობა იქნა გაწეული მოსახლეობის ჯანმრთელობისა და სოციალური მდგომარეობის გაუმჯობესების, სტიქიური მოვლენების შედეგად მიყენებული ზარალის შესწავლისა და ანაზღაურების მიზნით. მოქმედებდა სულ 20 მიზნობრივი პროგრამა კერძოდ:

1.,,სოციალურად დაუცველი ფენისათვის ყოველდღიური ერთჯერადი უფასო კვებით უზრუნველყოფა”, რომლის მთლიანი ბიუჯეტი შეადგენდა 32 000 ლარს. პროგრამა განახორციელა ტენდერში გამარჯვებული ინდ. მეწარმე შპს „არსი“2-მა და ისარგებლა ყოველთვიურად 25 მოქალაქემ.

2.,,ამბულატორიების ტრანსპორტით უზრუნველყოფის პროგრამა”, რომლის ბიუჯეტი შეადგენდა 138 700 ლარს, სადაც გათვალისწინებულია ამბულატორიების ტრანსპორტით მომსახურება.

3.,,უკიდურესად გაჭირვებულ ოჯახებში გარდაცვლილ პირთა დაკრძალვისათვის ერთჯერადი დახმარების პროგრამა, რომლის ბიუჯეტი შეადგენდა 50 000 ლარს. პროგრამით ისარგებლა 75 ოჯახმა (სარეიტინგო ქულა 100 000-ზე ნაკლები) და თითოეულ ოჯახს გაეწია 500 ლარიანი დახმარება.

4.,,ჰემოდიალიზის სენსებით მოსარგებლე ბენეფიციართა (თანმხლები პირის ერთად) მეზავრობის ღირებულების ანაზღაურების პროგრამა”, რომლის ბიუჯეტი შეადგენდა 32 500 ლარს. პროგრამით ისარგებლა 14 მოქალაქემ.

5.,,ვეტერანთა სარიტუალო მომსახურების, სადღესასწაულო დღეების ორგანიზებისა და დახმარების“ პროგრამა , რომლის ბიუჯეტი შეადგენს 86750 ლარს. (გაზით მომსახურების - 59 250, ვეტერანის დღესთან დაკავშირებით ერთჯერადი ფინანსური დახმარება - 23000, აგვისტოს ომის დროს დაღუპული მეომრის ოჯახისათვის ერთჯერადი ფინანსური დახმარება-2000 ლარის ოდენობით და დახმარება ვეტერანთა გარდაცვალებასთან დაკავშირებით 5 ვეტერანზე 2500) ლარი აღნიშნული პროგრამით ისარგებლა 230 ვეტერანმა.

6.,,ოთხ და მეტ შვილიან ბავშვთა ოჯახებზე (18 წლამდე ასაკის ბავშვები) ერთჯერადი მატერიალური დახმარების პროგრამა”, რომლის ბიუჯეტი შეადგენდა 105 000 ლარს.

აღნიშნული პროგრამით ისარგებლა 68-მა ოჯახმა. თითოეულ ოჯახს გაეწია ფინანსური დახმარება 1500 ლარის ოდენობით.

7.,,საცხოვრებელ სახლებზე ამორტიზირებული სახურავების შეცვლის” მიზნობრივი პროგრამის, ბიუჯეტი შეადგენდა 99395 ლარს, რომლის მოსახლეობაზე გაცემა მოხდა შესაბამისი კომისიის გადაწყვეტილებით და ისარგებლა 91 ოჯახმა.

8.,,სოფლის მოსახლეობის სამედიცინო მომსახურების“ პროგრამა, რომლის მთლიანი ბიუჯეტი შეადგენდა 160 665 ლარს. მოსახლეობას ემსახურება 40 მედდა, რომლებიც აღჭურვილი არიან პირველადი მოხმარების მედიკამენტებითა და დამხმარე საშუალებებით. სისტემატიურად ხორციელდება პროგრამის მონიტორინგი.

9.,,თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისათვის”. პროგრამის მთლიანი ბიუჯეტი შეადგენდა 93 600 ლარს. მობილური გუნდი ყოველთვიურად ადგილზე მისვლით ახდენდა 50-60 ფსიქიკური აშლილობის მქონე პირების მონახულებას, უწევს მათ შესაბამის მომსახურებას და სპეციფიკური მედიკამენტების მიწოდებას.

10.,,სამედიცინო და სოციალური რეაბილიტაციის პროგრამაში ჩართულ ბავშვთა აბილიტაცია/რეაბილიტაციის კურსებზე მგზავრობის ხელშეწყობა“, რომლის ბიუჯეტი შეადგენდა 50 000 ლარს. ისარგებლა 46 ბენეფიციარი.

11. „მველი საცხოვრებელი სახლების მქონე ოჯახებზე ახალი საცხოვრებელი სახლების შექმნის”, ბიუჯეტი შეადგენდა 226 800 ლარს. აღნიშნული პროგრამით გათვალისწინებულ 4 ოჯახს აუშენდა კაპიტალური სახლი.

12. 0 დან 18 წლამდე და 18 წელზე მეტი ასაკის პირთა მოვლის საჭიროებისათვის მატერიალური დახმარებით უზრუნველყოფა (0 დან 18 წლამდე ასაკის პირებზე ყოველთვიურად 100 ლარის, ხოლო 18 წელზე ზემოთ - 200 ლარის ოდენობით). პროგრამის ბიუჯეტი შეადგენს 180 000 ლარს პროგრამით სარგებლობს სულ 120 ბენეფიციარი აქედან 69 ოჯახის - 73 ბავშვი 18 წლამდე ასაკის და 18 წელზე მეტის 51 ბენეფიციარი

13. „ოპერაციული მკურნალობის თანადაფინანსებ“ის - ბიუჯეტი შეადგენდა 80 000 ლარს, აღნიშნული პროგრამის შესაბამისად 186 ოჯახზე გაცემულია საგარანტიო წერილი მათ მიერ გადასახდელი თანხის დასაფინანსებლად.

14.,,მოწყვლადი სოციალური ჯგუფების ბენეფიციართა მედიკამენტებით უზრუნველყოფის - ბიუჯეტი შეადგენდა 440 000 ლარს, აღნიშნული პროგრამის საფუძველზე გაიცემა შესაბამისი ვაუჩერები. ისარგებლა 2200 მოქალაქემ.

15. პროგრამის შესაბამისად მიმდინარეობს მუშაობა წითელი ჯვრის საზოგადოებასა და ქედის მუნიციპალიტეტის მერიას შორის გაფორმებული ხელშეკრულების საფუძველზე ერთობლივი პროექტის „საქმიანობა ცენტრი ქედაში უსაფრთხო გარემოსა და სიცოცხლის ხელშეწყობისათვის“ ბიუჯეტი შეადგენს 26 200 ლარს.

16.,,ქრონიკული დაავადებების სამკურნალო სპეციფიკური მედიკამენტებით უზრუნველყოფის“ის, პროგრამის ბიუჯეტი შეადგენდა 8295 ლარს პროგრამით ისარგებლა 16 ბენეფიციარმა.

17. „სტიქიური მოვლენების შედეგად დაზარალებულ ოჯახებზე (ზინის ქირით უზრუნველყოფა) ფინანსური დახმარებ“-ის პროგრამის ბიუჯეტი 302,500 ლარს შეადგენს და ისარგებლა 105 ოჯახმა.

18. „0-დან 18 წლამდე ასაკის ბავშვებზე სპეციალური სამკურნალო კვების პროდუქტების შესაძენად ფინანსური დახმარებ“-ის პროგრამის ბიუჯეტი 14 400 ლარს შეადგენდა და პროგრამით სარგებლობს ორი ოჯახი, თვეში 600 ლარის ოდენობით.

19. „მარტოხელა მშობლის სტატუსის მქონე პირებზე და მარჩენალდაკარგულ ოჯახებზე ფინანსური დახმარებ“-ის პროგრამის ბიუჯეტი შეადგენდა 87600 ლარს. აქედან 2400 ლარი გათვალისწინებული იყო ქედის მუნიციპალიტეტში რეგისტრირებულ ორ მარტოხელა მშობელზე თვეში 100 ლარის ოდენობით, პროგრამით ისარგებლა ერთი ბენეფიციარმა. ხოლო მარჩენალდაკარგულ ოჯახებზე ბიუჯეტით გათვალისწინებული იყო 85200 ლარი. რითაც ისარგებლა 45 ოჯახის 72 ბავშვმა.

20. მუნიციპალიტეტში რეგისტრირებული „შეზღუდული შესაძლებლობის მქონე პირების დამოუკიდებელი ცხოვრების ხელშეწყობის სერვისების დაფინანსების“ პროგრამის ბიუჯეტი შეადგენდა 108 297 ლარს რომელიც ამოქმედდა თებერვლის თვიდან და დასრულდა სექტემბრის თვეში. ყოველთვიურად ისარგებლა 30 ბენეფიციარმა

გარდა მერიის პროგრამებისა გარკვეული მუშაობა იქნა გაწეული სტიქიური მოვლენების შედეგად დაზარალებული მოსახლეობის მდგომარეობის გასაუმჯობესებლად. „საცხოვრებლით უზრუნველყოფის პროგრამაში“ ჩასართავად შუამდგომლობა გაეწია 64 ოჯახს, ასევე სამთავრობო კომისიაზე განსახილველად შუამდგომლობა გაეწია 2 სახლდამწვარ ოჯახს და მეწყერის შედეგად დაზიანებული საცხოვრებელი სახლების გამაგრებისათვის ფინანსური დახმარების თაობაზე - 55 ოჯახს.

სულ შემოსულია 399 განცხადება საცხოვრებელი სახლებისა და მიმდებარე ტერიტორიების გეოლოგიურად შესწავლასთან დაკავშირებით. შესწავლილია გეოლოგიური სამსახურის მიერ და წარმოდგენილია შესაბამისი დასკვნები, სადაც მითითებულია სხვადასხვა რეკომენდაციები, როგორც ადგილმონაცვლეობა, ასევე საცხოვრებელი სახლის გამაგრება და მიმდებარე ტერიტორიების ფერდსამაგრი კედლის მოწყობა. დასკვნების საფუძველზე ხდება შესაბამისი რეაგირება.

შუამდგომლობა გაეწია ჯანმრთელობისა და სოციალური დაცვის სამინისტროში ჯანმრთელობის პრობლემების მქონე 2 მოქალაქეს. ასევე სამსახური შუამდგომლობით შევიდა მუნიციპალიტეტის მერთან 236 მოქალაქეზე სხვადასხვა ოპერაციებისა და მკურნალობის დასაფინანსებლად.

სამსახური ჩართულია სხვადასხვა კუთხით შექმნილი კომისიების მუშაობაში.

კომისიის წევრებს შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 4

წინააღმდეგი: 1

კომისიამ გადაწყვიტა:

ქედის მუნიციპალიტეტის მერიის ჯანმრთელობისა და სოციალური დაცვის სამსახურის მიერ 2023 წელში გაწეული მუშაობის შესახებ ანგარიში განხილული იქნას საკრებულოს მორიგ სხდომაზე.

კომისიის თავმჯდომარემ სხდომა 13:00 საათზე დახურულად გამოაცხადა.

სხდომის თავმჯდომარე



ოთარ ხარაძე

ოქმი შეადგინა:

საკრებულოს აპარატის პირველი
კატეგორიის უფროსი სპეციალისტი
კომისიებთან ურთიერთობის საკითხებში

ციური ზაქარაძე